

清·徐延祚 撰

醫

意



清·徐延祚撰

醫

意



醫意・解題

清·徐延祚撰。成書於光緒二十二年（公元一八九六年）。

徐延祚，字齡臣。錦縣（今屬遼寧）人。

此部分內容引自卷二的『方藥變通法』、『東垣藥例』、『東垣十二劑』、『東垣臟腑溫涼補瀉之藥』、『東垣引經藥』、『用藥之法』、『用藥宜慎』、『勿藥說』八論。

今據清·光緒二十二年（公元一八九六年）《鐵如意軒醫書四種》本影印。

（王咪咪）

醫意

卷二

七

方藥變通法

一方有一方之用言之詳矣然病之千變萬化不可

窮極隨時加減斟酌變通有不能以一端盡者如越鞠丸本方香附治氣川芎治血蒼朮治濕山梔治熱神麴治痰食也氣加木香陳皮烏藥檳榔蘇葉血加當歸丹皮桃仁紅花濕加白朮羌活防已熱加黃連連翹痰加半夏南星瓜蒌食加麥芽山渣砂仁此就方內加者也若寒加吳萸火加青黛此在方外加者也又五積總方人參黃連厚樸川烏乾薑茯苓巴仁也肝加柴胡蓬朮昆布川椒皂角心加丹參黃芩菖

醫意

卷二

八

蒲桂枝良薑脾加黃芩砂仁吳萸川椒玉桂茵陳澤瀉肺加紫苑天冬桔梗白蔻仁三稜青皮陳皮川椒腎加附子肉桂延胡菖蒲獨活丁香川棟子澤瀉全蝎此依古方隨五臟分加總方是綱加藥是目併而合之只是一方故曰拘執古方者不可爲醫不法古方者尤不可爲醫也又有酌取各半者如仲景有各半湯東垣麻黃人參芍藥湯取仲景麻黃湯與補劑各半爲之綱目云凡虛人當服仲景方者以此爲式

又云四物與桂枝麻黃白虎柴胡理中四逆茱萸承氣涼膈等皆可作各半湯此易老用藥大畧也又有二方相合爲偶數方相合爲複偶方如柴平胃苓五積交加對金飲子複方如桂枝二越婢一三一承氣六一順氣之類又有層累其劑者如調胃承氣一方加之而爲涼膈散再加之而爲防風通聖散再加之而爲祛風丹愈風丹之類蓋層累而加者也天地之數起於一而充之以至於十百千萬自有其要五行

醫意

卷二

九

亦有相生相制各安其位以行其權惟會心人當自知之又有極則病者如風病而筋縮水極似金也陽明燥金主筋縮也熱病而舌黑火極似水也皆物極而兼勝已之化乃假症也假症宜從治法仲景四逆湯用豬膽汁者蓋爲陽虛陰盛從治之法也餘可類推又有合則化者如甲己合化乙庚合化也蓋有制則能化也化則亢者亦爲和平矣藥如酸甘酸辛之合用也仲景白芍甘草湯卽甲己化土也又桂枝湯

用白芍甘草並用桂薑和營衛也又有水火交養者
卽坎離既濟之義也如鹽能補心是也又如黃柏知
母胡桃故紙同用一是金水相生一是木火相生也
又黃連肉桂之交心腎也又八味丸之用桂附水中
補火也又有寒熱無偏勝之弊卽一陰一陽之爲道
也若黃連吳萸黃連木香黃連乾薑黃柏細辛之相
配也又補陽者必兼和陰不使偏勝用桂附者宜用
白芍和之是也又五行母子相通病常相及方書云

醫意精言 卷二

十

虛則補其母實則瀉其子亦有母子兼補者亦有母
子兼瀉者如肝實者瀉心火亦瀉腎火是也又補肺
者益胃津以生肺氣或用參芪補脾更用熟地滋腎
也蓋子旺能令母實子虛必盜母氣也又手足經皆
會於腹也古方多有手足經並用者執中央以運四
旁實爲千古不刊之論言治中者必通徹上下左右
也中者脾胃也諸虛不足先建其中中虛則清陽下
陷而陰火上干氣血俱傷也又脾爲中州必使心肺

之陽降肝腎之陰升而成天地之泰所謂上下交而其志同也若上下不交則否矣故治脾胃者當徹上徹下看也理中之分陰分陽中滿之上下分消皆是此義又正治者有隔二隔三之治如心生血脾統血肝藏血血症須按三經用藥歸脾湯從肝以生心火從心以生脾土是隔二之治也又如膀胱病而治膀胱是正治也因金不能生水而膀胱病不治膀胱而治肺是隔二也更因土不能生金而肺與膀胱病不

醫意

卷二

十一

治肺與膀胱而治脾是隔三也治小便不通用車前木通又用麥冬黃芩又用蒼朮白朮者卽是此義心爲五藏之主七情總隸於一心胃爲水穀之海乃三焦大小腸膀胱之總司肺合大腸心合小腸肝合膽脾合胃腎合膀胱五臟六腑實相爲表裏者也如治肺用花粉以瀉大腸治心用木通以瀉小腸之類此因其相合而治也又心與膽通心病怔忡宜溫膽膽病戰慄顛狂宜補心肝與大腸通肝病宜疎通大腸

大腸病宜平肝脾與小腸通脾病宜瀉小腸火小腸病宜潤肺肺與膀胱通肺病宜清利膀胱水膀胱病宜清肺腎與三焦通腎病宜調和三焦三焦病宜補腎是因其相通而治也有薄其所勝者亦有侮其所不勝者臟腑之寒熱相移又當從其移而治之又肺主氣肝主血中風由於血虛中寒由於陽衰火之本氣也痰之本水也是當原其所從來而治之又初起爲寒者久則鬱而爲熱初起爲熱中者久則傳爲寒

醫意

卷二

三

中是又當究其所終極而治之又土之不足木之有餘也古人胃病所以治肝也水之不足火之有餘也所以治腎病先清君相二火也又陽有餘而陰不足者宜補陰再瀉陽也陰有餘而陽不足者宜補陽再瀉陰也審察其可不愼乎又有先事而預爲防者如治肝病者先實其脾恐木剋土也金之源絕則木無所制矣治心者先保其肺恐火燥金也水之源絕火無所制矣又如用熱藥者防其涸陰用涼藥者防其

傷胃皆宜防患於未然者也然治法尤須詳備如治中風者順氣活血清心化痰兼疏風也治虛人之火者或火太盛者不能但用寒涼宜溫散甘緩兼補陰也退熱者宜清心調血兼滋腎也益熱生於心心妄動而熱不能退亦熱能傷血血滯則氣鬱而熱愈不退也又如助金以平木者更扶土以抑木瀉火以泄木也培土以制水者更益火以拒水清金以導水也補火以生土者更疏木以安土利水以實土也又培

醫意

卷二

三

土以生金者必水能制火而後火不刑金也又如治水者實脾以爲守泄水以爲攻更兼發汗爲三法必須詳備其可專恃一法乎又有一方面統治數病數病而統於一症者金匱論云凡症但言風寒不及暑濕燥火者蓋寒濕燥皆屬陰同類以燥濕統於寒也風暑火皆屬陽同類以暑火統於風也又風爲陽邪燥火統於風者蓋燥爲金氣古云次寒故屬陰其復氣爲火故又屬陽如防風通聖散治風熱燥三症是

也又人參敗毒散治風濕熱三氣五積散治風寒濕并氣血食痰六鬱湯治濕熱并氣血痰食丹溪痛風方治寒濕熱并血痰又十味補心丹補心而統補五藏天王補心丹補心神而統魂魄智精志五藏之所藏者而爲一方也涼膈散統手足太陽陽明少陽太陰少陰厥陰之脉之上膈者而爲一方也又黃連解毒湯瀉亢極之火兼三焦而統治之也十鼓取水法以一味爲君而兼五藏大小腸膀胱而統治之也又

醫意

卷二

古

九味羌活湯藥備六經治兼四時并治雜症大金丹兼五運加三豆卽治疫痘也又有熱因寒用者如治寒脹用吳萸乾薑而佐之以黃連是也又有寒因熱用者治熱秘用知柏而佐之以桂是也又治瀉用五苓治痢用大黃枳實是通因通用也治滿用白朮甘草及四君補中益氣是塞因塞用也然陰陽上下升降尤不可膠執而治之方書云從陽引陰從陰引陽又曰陽病取陰陰病取陽又曰陰中求陽陽中求陰

蓋陰陽互根也又曰上病下取下病上取如久嗽爲喘而氣泄於上者宜固其肺尤宜急固其腎也如久遺成淋而精脫於下者宜固其腎尤宜兼固其氣也古方治喘用破故紙納氣歸腎治遺及小便不禁俱用鹿茸五味等藥提陽固氣不使陷下其義亦可見矣又曰水升火降蓋水火失其升降則病故心熱宜補腎腎水升則心自不熱也腎寒宜補心心火降則腎自不寒也又曰將欲升之必先降之將欲降之必

醫意

卷二

五

先升之又曰清陽不升則濁陰不降又曰濁陰出下竅而清陽自宣化於上矣此古所以有升降散也又如六鬱湯蒼朮香附同用天門冬散升麻大黃同用清胃散升麻石膏同用瀉肝湯羌活防風膽草大黃同用又順氣湯升麻柴胡黃柏同用黑錫丹黑鉛丹鉛硫同用頭瘟方大黃薑黃蠶蟬同用皆具一升一降之義餘可類推矣夫仲景之方至精簡者也而金匱所載鼈甲煎薏苡丸皆二十餘味彙集氣血之藥

攻補兼施是方中用藥非一定也後之秦朮續命皆治六經中風之通劑麻黃白朮湯爲足三陽足三陰通治之劑合四君五苓補中平胃麻黃吳萸解毒爲一方內中表裏寒熱補瀉之藥莫不備具蓋治證既多故所用藥品亦多固不得以夾雜目之神明於此道者自能推類至盡不拘拘於古而自與古合又豈一言能盡乎

東垣藥例

醫意

卷二

六

頭痛用川芎爲君巔頂痛用藁朮肢節痛用羌活腹痛用白芍惡寒加官桂惡熱加黃柏腹中實痛用大黃芒硝胃寒痛用草薢仁脇痛或寒熱用柴胡小腹痛用青皮氣痛破氣用枳殼調氣用木香血痛和血用當歸破血用蘇木桃仁心下痞用黃連宿食不消用只實腹脹用厚樸腹中窄狹用蒼朮痰用半夏陳皮風痰用南星上熱用黃芩中熱用黃連下熱用黃柏三焦熱用梔子小便澀數用澤瀉膀胱有火及下

焦濕熱用防己龍膽草黃柏知母飲水多用白朮豬
苓澤瀉口渴用乾葛噉用五味子水瀉用白朮芍藥
車前子莖中痛用甘草稍補氣用參內傷虛汗用黃
芪喘用阿膠此東垣藥例之大畧也

東垣十二劑

原方十劑輕可去實麻黃葛根也宣可去壅生薑橘
皮也泄可去閉大黃葶藶也通可去滯木通防己也
澀可去脫牡蠣龍骨也燥可去濕桑白赤小豆也滑

醫意

卷二

七

可去著寒葵子榆白皮也重可去怯磁石鐵粉也潤
可去枯紫后英白石英也補可去弱人參羊肉也東
垣加寒可去熱大黃芒硝熱可去寒附子官桂爲十
二劑按古方選註仲景麻黃葛根湯輕劑也梔豉湯
瓜蒂散宣劑也陷胸承氣湯泄劑也五苓十棗湯通
劑也石脂桃花湯澀劑也麻黃連軀赤小豆湯燥劑
也豬膽蜜煎導滑劑也龍骨牡蠣湯重劑也黃連阿
膠湯潤劑也理中丸附子湯補劑也白虎湯寒劑也

白通湯四逆湯熱劑也醫方集解成方切用分門本此

東垣臟腑溫涼補瀉之藥

心溫用當歸吳萸肉桂蒼朮菖蒲涼用犀角生地黃
連連翹麥冬硃砂補用遠志天冬兔絲扶神金銀薄
炒鹽瀉用苦參黃連貝母前胡鬱金

小腸溫用巴戟茴香烏藥益智涼用木通通草黃芩
花粉滑石車前補用牡蠣石斛甘草稍瀉用葱白蘇

醫意

卷二

大

子續隨子大黃

肝溫用木香肉桂半夏肉蔻陳皮檳榔萆撥涼用鼈
甲黃連黃芩草龍膽草決明柴胡羚羊角補用木瓜
阿膠川芎黃芪山茱萸酸棗仁五加皮瀉用青皮芍
藥柴胡前胡犀角桑皮草龍膽

膽溫用橘皮生薑半夏川芎桂枝涼用黃連黃芩竹
茹柴胡草龍膽補用當歸山茱萸酸棗仁五味子瀉
用青皮柴胡黃連木通芍藥